

〈妙莊嚴王本事品第廿七〉

P. 776, L. 3【妙莊嚴王】梵名 Śubhavyūha-rāja，又作「嚴淨王」。據本經載，過去無量無邊不可思議阿僧祇劫前有佛，名「雲雷音宿王華智佛」，國名「光明莊嚴」，劫名「喜見」。彼佛之教法中有王，名妙莊嚴，其夫人名淨德（又作離垢施），有二子：一名淨藏（又作離垢藏），一名淨眼（又作離垢眼），此二王子善神通，久修菩薩道，示現神通，使妙莊嚴王心生歡喜，而欲往詣雲雷音宿王華智佛。復以「盲龜浮木」喻諸佛難值，時亦難遇，勸其父母常赴佛所供養禮拜，並乞求父母准其二人出家學道。原信婆羅門之王終以其國付弟而出家歸佛。蓋此王即後來的華德菩薩，王后即光照莊嚴相菩薩（妙音菩薩），二王子即藥王菩薩、藥上菩薩。品中有云：「善知識，能作佛事，示教利喜，令入阿耨多羅三藐三菩提。」「善知識者，是大因緣，所謂化導令得見佛，發阿耨多羅三藐三菩提心。」～《佛光大辭典》

P. 776, L. 3【本事】其義有二：(1)若是梵語 itī-vṛttaka，即「如是之事」，譯作出因緣、本事經、本事說，乃敘述佛陀及佛弟子在過去世之因緣事蹟。(2)若係梵語 itī-uktaka，即「如是言說」，譯作如是語經、此事過去如是。～《佛光大辭典》

《法華經授手》卷 10〈妙莊嚴王本事品第二十七〉：「此品意明轉識成智之象。以顯法力加持也。莊嚴王乃如來在纏。為八識心王之名。二子乃六、七二識轉染令淨之象。夫人乃柔順內助。為止觀內熏之體。淨治無明。故名淨德。二子先已出家。以六七因中轉故。二子轉父邪心。一同出家。正顯本覺出纏之象也。然此止觀之力。乃法身菩薩得無分別心。與諸佛智用相應。依法力修行。真如熏習。滅無明故。是所謂法力加持也。大窾云。藥王本事。是顯藥王因中求法供佛之德本。此品雖名莊王本事。實顯藥王藥上度生之善功也。知音云。莊王乃華德菩薩前身。不言華德本事者。以因名成、果德彰。持此經者。因該果海也。由華德曾問妙音因地（本書 p. 712）。故今為彼說其本事。天台云。昔有四比丘。結契山林。……今敘本事。欲使行人以道自衛。外防見魔。內絕惡覺。消息邪緣。入佛知見。此實諸佛究竟進修。最後垂範。如楞嚴法會將終。說過


去佛。覺明分析微細魔事。使行人諸識心垢洗除。與此同意。」(X32,p.818b12-c9)

《法華經大成》卷9〈妙莊嚴王本事品第二十七〉：「前品神呪外衛。此則轉邪內正。內外既安。乃可進於普賢常行也。……轉邪流通也。」(X32,p.534b11-

c4)《法華文句記》卷10〈釋嚴王品〉：「《經》云「淨德夫人」者，今佛前光照莊嚴相菩薩是妙音也。…神呪護法弘經，現身說法，雙規師弟，所以蒙照東至者，知有來往之勳故也。欲來先云「欲見藥王」等，華德復為妙音所將，及以此土發起之眾，藥王乃為總持之主，共成二子之化，兼為結會古今，令時會並識，了宿因不失、信化迹功深，知權謀叵測、仰遠種難亡。」(T34,p.358b20-28)

P. 777, L. 2【人護】參考本書 p. 688，及右表。

P. 777, L. 2【事本】《法華經授手》卷10〈妙莊嚴王本事品第二十七〉：「前品藥王。雖引天神等。說呪護持此經。尚隱而未顯。今又假莊王本事。因二子神力以轉邪心。則是藥王顯然以身擁護也。然能使轉邪歸正。令王與後宮皆悉堪任受持法華經者。藥王力也。經云。淨眼菩薩於法華三昧。久已通達。故知藥王於此經。悲救之切。護持之至。故如來不待請。而自說莊王本事。其實亦即藥王之本事也。乃往古下。據理顯妙法之無始。佛名雲雷音宿王華。是雙舉妙音因果所觀之佛。乃顯妙法莊嚴因果如如。不二之體也。國名光明莊嚴。示大圓鏡之境也。劫名喜見。示一真法界之相也。」(X32,p.818c12-22)參考本書 p. 704



P. 777, L. 7【淨德、淨藏、淨眼】《法華經大成》卷9〈妙莊嚴王本事品第二十七〉：「淨德者。雖示染身。其德本淨。淨藏者。妙理之所蘊。淨眼者。妙智之所顯。由具此妙淨理智。故能轉邪而為華德也。是二子下。別顯二子之德。」(X32,p.534c16-19)

《法華經授手》卷10〈妙莊嚴王本事品第二十七〉：「直指云。當人於無始已前。一念背覺。遂成無明心王。故引莊王而表八識也。夫人表五

識。淨藏、淨眼表六七二識。八識染，以二十五有莊嚴。淨以權實二智莊嚴。五識與八識同體。非造所造。故名淨德。能生育萬善。有夫人義。七識染污。轉則成平等性智。故名淨藏。六識分別十界依正。轉則成妙觀察智。故名淨眼。二子有大神力。久修行者。謂六七因中先轉也。」(X32,p.819a8-15)

P. 777, L. -3【別顯二子功德】《妙法蓮華經文句》卷 10〈釋妙莊嚴王本事品〉：「所化一人、能化三人，俱出其名，別顯二子福慧、六度、四弘。餘經指此為十波羅蜜，橫法門也；三十七助道，豎法門也。餘經為正道，行行為助道。今經指十度為正，呼此是助道也。禪度中具有三昧，道品中節節有三昧，更標七三昧者，廣顯法門耳。」(T34,p.147b20-26)《法華文句記》卷 10〈釋嚴王品〉：「『餘經指此為十波羅蜜』者，《未曾有經》收六度四等為十度耳，亦不的對。『道品中節節有三昧』者，七科之中，唯念處屬慧、正勤屬進，餘五科內皆有定名。復別列名者，當知隨用立名，其理不異。」(T34,p.358c11-15)

P. 777, L. -1【三十七品助道】《法華經大成》卷 9〈妙莊嚴王本事品第二十七〉：「大乘行法。以四心為體。六度為用。道品為助。乃成佛果。」(X32,p.534c23-24)《觀音玄義》卷 1：「了因、緣因者，了是顯發，緣是資助，資助於了，顯發法身。了者，即是般若觀智，亦名慧行正道，智慧莊嚴。緣者，即是解脫，行行助道，福德莊嚴。」(T34,p.880b16-19)《金光明經文句》卷 4〈釋空品〉：「緣空直入，名為慧行；帶事兼修，名為行行。亦名正道、助道。」(T39,p.67b8-9)

P. 778, L. 1【七科豎入】道品有四：一者當分。二者相攝。三者對位。四者相生。《四教儀註彙補輔宏記》卷 4：當分者。未必全具道品方能得道。三四、二五、單七、隻八。當分是道。故曰依念處得道。念處既爾。餘品亦然。為當分。相攝者。釋論言。念處既攝餘品。餘品亦攝念處。為相攝。對位者。俱舍頌言。初業順決擇。及修見道位。念處等七品。應知次第增。華嚴鈔曰。初業者。修總相別相念處。此初業位。能照身等四境。慧用勝故。說念處增。順決擇者。煖等四位也。…勤用勝故。說正勤增。頂法位中。…定用勝故。說神足增。忍法位中。…說五根增。世第一位中。…說五力增。及修見道位者。修道位中。…說七覺增。見道位中。…說八正見增。此對位義同也。據止觀言。八

正是見諦位為第六。七覺是修道位為第七。乃是約位。非調停也。今約調停。故以七覺為第六。入正為第七。相生者。論言。聞法已。先當念持。次即勤修。勤故。攝心調柔。調柔故。信等成根。根增為力。次七覺分別。八正道是正行也。有時八正在前。未辦名道。已辦名覺也。又止觀云。如修念處。能生正觀。正勤乃發如意。如意生根。根生力。力生覺。覺入八正。為相生也。」(X57,p.780b17-c14)本書言「豎入」，應是指「相生」而言；若是「對位」，應以大乘菩薩位論。

P. 778, L. 3【淨三昧等】《法華經要解》卷 7〈妙莊嚴王本事品第二十七〉：「淨三昧者。淨藏淨眼之所本也。日星宿。表本智、別智之照用也。淨光。能現眾像。淨色。不為形礙。淨照。照了萬法。長莊嚴。非素法身。大威德藏。具大神用。」(X30,p.357a13-15)

P. 779, L. 4【慈復居先】《法華經授手》卷 10〈妙莊嚴王本事品第二十七〉：「先白母者。據其本實。母子元知。今為化儀。機熟應發。正是槌磬相扣。物器方成也。知音云。淨藏。謂淨如來藏之三性。淨眼。乃淨如來之五眼。經以二淨字。釋成二王子得菩薩淨三昧之名也。不先白父。而白母者。維摩經云。智度菩薩母。方便以為父。善根成實男。今妙莊嚴既以方便為二菩薩父。示墮邪見。然非先智度。則邪見莫除。淨德雖為二菩薩母。然非先善根成實。則智慧何興。故經上節敘六度訖。復敘方便波羅蜜。此節敘二王子得淨三昧。先白其母。意有在也。勸母往聽。照隨喜品，勸人往聽，得與陀羅尼菩薩共生一處之功德也。(ref. p. 643:-2)」(X32,p.819b8-18)先有善根→智慧興→除邪見